

માર્નિંગ ડોગરી ન્યૂઝ બુલેટિન,

समा. 09.20 Hrs

Headlines

- ਗ੍ਰਹਮੰਤਰੀ ਅਮਿਤ ਸ਼ਾਹ ਹੋਰੋਂ ਆਕਸ਼ੇਯਾ ਏ ਜੇ ਕੇਨ੍ਦਰ ਸਰਕਾਰ ਨੈ ਜਮ੍ਹਮੂ-ਕਸ਼ਮੀਰ ਚ ਰਾਹਤ ਕਮ੍ਮੋਂ ਲੇਓ 2 ਅਰਬ 9 ਕਰੋਡ਼ ਰਪੇ ਜਾਰੀ ਕੀਤੇ ਨ।
- ਉਪਰਾਜਯਪਾਲ ਮਨੋਜ ਸਿਨ੍ਹਾ ਹੋਰੋਂ ਆਕਸ਼ੇਯਾ ਏ, ਪ੍ਰਧਾਨਮੰਤਰੀ ਨਰੇਨ੍ਦਰ ਮੋਦੀ ਤੇ ਗ੍ਰਹਮੰਤਰੀ ਅਮਿਤ ਸ਼ਾਹ ਹੋਰੋਂ ਜਮ੍ਹਮੂ-ਕਸ਼ਮੀਰ ਚ ਕੁਦਰਤੀ ਕ੍ਰੋਪਿਯੋਂ ਦੀ ਮਾਰੈ ਹੇਠ ਆਏ ਦੇ ਲੋਕੋਂ ਦੀ ਹਰ ਮੁਮਕਿਨ ਮਦਾਦ ਦਾ ਭਰੋਸਾ ਦੋਆਯਾ ਏ।
- ਟ੍ਰਾਂਸਪੋਰਟ ਮੰਤਰੀ ਸਤੀਸ਼ ਸ਼ਰਮਾ ਹੋਰੋਂ ਚੋਕਕੀ-ਚੌਰਾ ਬਲਾਕ ਦਾ ਦੌਰਾ ਲਾਝਯੈਂ ਹਾਡ਼ ਪ੍ਰਭਾਵਤ ਝਲਾਕੋਂ ਦਾ ਮੁਆਯਨਾ ਕੀਤਾ।
- ਸ਼ਿਕਸ਼ਾਮੰਤਰੀ ਸਕੀਨਾ ਝਤੂ ਹੋਰੋਂ ਬਾਬਾ ਗੁਲਾਮਸ਼ਾਹ ਬਡਸ਼ਾਹ ਯੁਨਿਵਰਸਿਟੀ ਦੇ ਪ੍ਰਸ਼ਾਸਨਿਕ ਤੇ ਸ਼ੈਕਸ਼ਣਿਕ ਕਾਰਕਰਦਗੀ ਦਾ ਜਾਯਜਾ ਲੈਤਾ ਤੇ ਵਿਦਯਾਰਥਿਯੋਂ ਕੇਨ੍ਦ੍ਰਿਤ ਹੀਲੋਂ ਕਰਨੇ ਪਰ ਜੋਰ ਪਾਯਾ।
- ਤੇ ਸਮੂਲਚੋਂ ਜਮ੍ਹਮੂ ਚ ਭਾਰੀ ਬਰਖਾ ਦੇ ਚਲਦੇ ਕੋਝੋਂ ਥਾਹਰੋਂ ਪਾਨੀ ਜਮਾ, ਗਡ਼ਡਿਯੋਂ ਦੀ ਆਓ-ਜਾਝੋਂ ਚ ਵਿਘਨ, ਮੌਸਮ ਵਿਭਾਗ ਨੈ ਬਦਦਲ ਫਟ੍ਟਨੇ, ਲਾਸ-ਪਸ਼ਿਸ਼ਯਾਂ ਪੌਨੇ ਤੇ ਹਾਡ਼ ਔਨੇ ਦੀ ਚੇਤਾਵਨੀ ਜਾਰੀ ਕੀਤੀ ਏ।

<><><><><><>

केन्द्री गृहमंत्री अमित शाह होरें आक्खेया ऐ जे केन्द्र सरकारै प्रदेश आपदा प्रतिक्रिया कोष SDRF लेई 2 अरब 9 करोड़ रपे दी रकम लॉट कीती ऐ, जेदे कारण इत्थे हाड़े ते बरखे करी मती तबाही दे बाद राहत कम्म शुरु कीते गेदे न। अपने जम्मू दौरे दे दौरान कल अमित शाह होरें राजभवन च इक दे बाद इक केंई बैठकां लोआइयै हालात दी समीक्षी कीती, पैहली बैठक च बरखें, हाड़े ते बददल फटटने करी होए दे नुक्सान दा जायजा लैता गया। इक होर बैठका च BJP दे प्रदेश अध्यक्ष सतशर्मा हुंदी अगुआई च पार्टी दे सांसदे ते विधायकें कन्नै हालात दी समीक्षा कीती गई। एहदे इलावा अमित शाह होरें बड्डे सुरक्षा अधिकारियें कन्नै बैठक लाइयै सुरक्षा हालात दा जायजा लैता।

<><><><><><>

LG -Floods

उपराज्यपाल मनोज सिन्हा जेहड़े कल गृहमंत्री अमित शीह हुन्दे कन्नै जम्मू दे बक्ख-बक्ख हिस्सें च हाड़ें ते बरखे कारण प्रभावत इलाकें दा दौरा करने गेदे हे, होरें आक्खेया ऐ जे हालिया कुदरती क्रोपियें च अपने परिवार दे जीएं गी मोहाई चुके दे ते बरखे हाड़े कारण नुक्सान ते दिक्कतें दा सामना करा रदे लोकें दे कन्नै उन्दी पूरी हमदर्दी ऐ। एल.जी. होरें आक्खेया जे प्रधानमंत्री नरेन्द्र मोदी ते गृहमंत्री अमित शाह होरें प्रभावत परिवारें गी तौले शा तौले हर मुमकिन मदाद उपलब्ध कराने दा भरोसा दोआया ऐ। उनें आक्खेया जे मौसम दी मजूदा स्थिति गी ध्यानै च रक्खदे होई सब्भनैं जिला सतह दे अधिकारियें गी निर्देश दिते गेदे न जे ओ पूरी चाल्ली सहोगे ते सतर्क रौहन ते जमीनी हालात पर नेइमी तक्क बनाई रक्खी जा। उनें लोकें गी बी आक्खेया जे ओ सुरक्षत थाहरें पर गें रौहन ते जरूरी एहतियात बरतन।

<><><><><><>

Satish –Chowki Visit

सिड़क यातायात मंत्री सतीश शर्मा होरें चौकी-चौरा ब्लाकें दे हाड़ें दी मारें हेठ आए दे राह् ग्रां ते Hardu Mallara दी वार्ड नम्बर-2 ते वार्ड नम्बर-4 सनें किश होरनें इलाकें दा दौरा कीता ते उत्थे होए दे नुक्सान दा जायजा लैता। दौरे दौरान मंत्री होरें प्रभावत परोआरें कन्ने गल्लबात कीती ते ढांचे, सम्पत्ति ते खेतरें गी पुज्जे दे नुक्सान दा निरीक्षण कीता। मंत्री होरें गी जानकारी दिती गेई जे 10एं परोआरें गी सुरक्षित थाहरें पर पजाई दिता गया ऐ। मंत्री होरें जिला प्रशासन ते सब्भनें मुतलका अधिकारियें गी निर्देश दिते जे सब्भै प्रभावत परोआरें दी राहत ते पुर्नबहाली लेई पूरी-पूरी मदाद उपलब्ध करोआई जा।

<><><><><><>

Doda Floods

डोडा जिले च ताजा बरखा ते हाड़ें कारण 5 जनें दी जान चली गेई ऐ। अधिकारिक जानकारी मुजब 89 मकान पूरी चाली तबाह होई गेन, 111 मकानें गी बड़ा मता नुक्सान पुज्जा ऐ ते 438 मकानें गी अद्दे दुब्बे तौरा पर नुक्सान पुज्जने दी जानकारी ऐ। डोडा दे जिला विकास कमीशनर हरविंदर सिंह होरें आक्खेया ऐ, जिन्दे परिवार दे कुसै जीह दी जान गेई ऐ उनेंगी SDRF दे नियमें तैहत 5-5 लक्ख रपे दी सींधी सहायता उपलब्ध कराई गेई ऐ। D.C. होरें लोकें अग्गे अपील कीती ऐ जे ओ दरेयाएं, नालें ते होरनें जल-स्रोतें कोला दूर रौहन ते पानी चढ़ने जा पस्सियां पौने दी शँका आहले इलाकें च जाइयै अपने लेई खतरा नैई मोलन.

<><><><><><>

Kisht Water Supply

मैहकमा माल दे Assistant Commissioner इंदरीस लोन होरें जानकारी दिती जे किशतवाड़ जिले च पीने आहले पानी सरबंधी सेवाएं दी बहाली आला कम्म पूरे जोरे-शोरें कन्नै जारी ऐ। उन्दा आक्खना ऐ जे खिते च तौले गै पानी दी सप्लाई सामान्य होई जाग। उन्नै आक्खेया जे पानी दी दस्तयाबी घट्ट होने करी एहदे च चिर लगगा रदा ऐ, पर जल शक्ति मैहकमा नुकसान पुज्जे दे Naigad Gravity Line गी तौले गै ठीक करने लेई अनथक जतन करा रदे ऐ। उन्नै आक्खेया जे औंदे दिने च एहदे च खासा सुधार दिक्खने गी लब्बोग ते जल शक्ति मैहकमे आसेया पूरी कोशश जारी ऐ जे प्रभावित इलाकें च पानी दी सप्लाई गी यकीनी बनाया जा।

<><><><><><>

Sakeena -BGSBU

शिक्षामंत्री स्कीना इतू होरें कल श्रीनगर आले सिविल सचिवालय च आयोजित इक उच्ची स्तह दी बैठक च बाबा गुलाम शाह बादशाह युनिवर्सिटी राजौरी दे शैक्षणिक ते प्रशासनिक कम्मकाज दी व्यापक समीक्षा कीती। इस दौरान मंत्री होरें कैई पहलुएं पर युनिवर्सिटी दी प्रगति दा आकलन कीता, जिन्दे च पढ़ाई-लिखाई, शोध, बुनियादी ढांचे दा विकास, विद्यार्थियों दी भलाई-बेहतरी लेई उपाह ते होरनी पैहलकदमियां शामिल न। मंत्री होरें इस गल्लै गी उजागर कीता जे एह युनिवर्सिटी. पीर पंजाब खिते च इक मुख्क उच्च शिक्षा केन्द्र दे रुपै च गुणवत्ता आली शिक्षा, कौशल विकास ते विद्यार्थियों दे भविक्ख दा निर्माण करने च इक महत्वपूर्ण भूमिका नभांदी ऐ।

<><><><><><>

सिदड़ा ते नगराटा इलाके दे केंई प्रतिनिमंडल कल जल शक्ति मंत्री जावेद अहमद राणा हुंदे कन्नै मलाटी करियै हाल च आए दे हाड़े कन्नै होए दे नुक्सान गी उजागर कीता। प्रतिनिधिमंडलै, नागरिकें लेई जरूरी सहूलतें दी बहाली च चिर लग्गने पर चिंता जाहिर कीती ते अपील कीती जे ग्राएं दे लोकें गी होए दे नुक्सान दा फौरी तौरा पर मुआवजा दिता जा। मंत्री होरें प्रतिनिधिमंडले गी भरोसा दोआया जे मुख्यमंत्री उमर अब्दुल्ला हुंदी अगुवाई आली सरकार नै स्थिति पर नेइमी तक्क बनाई दी ऐ ते लोकें दी भलाई-बेहतरी लेई पूरी चाली वचनेबज्झी दी ऐ। उनें एह बी आकखेया जे जरूरी सेवाएं दी बहाली प्रशासन लेई पैहली प्राथमिकता ऐ।

<><><><><><>

Kunwar Viyogi Utsav

10मां “कुंवर वियोगी उत्सव-2025” कल जम्मू युनिवर्सिटी दे ब्रिगेडियर राजिन्दर सिंह आडीटोरियम च शुरू होआ, जेहदा सरिस्ता युनिवर्सिटी दे अंग्रेजी ते डोगरी विभाग आसेया “कुंवर वियोगी मैमोरियल ट्रस्ट” दे सहयोग कन्नै कीता गेदा ऐ। पैहले रोज कल वक्ताएं डुग्गर दी कला, संस्कृति भाषा ते साहित्य गी बढ़ावा देने ते जम्मू दी पंछान दूरै-दूरै तगर पुजाने लेई किट्ठे रलियै जतन करने पर जोर दिता। इस मौके मजूद मुख परौहने ते जम्मू युनिवर्सिटी दे वाईस चांसलर प्रोफैसर उमेश राय होरें आकखेया पिच्छले दंडू बरे दौरान युनिवर्सिटी जम्मू प्रांते दी पंछान दूरै-दूरै तगर पजाने लेई जम्मूइयत दा लक्ष्य लेइयै कम्म करा रदी ऐ। पदम श्री प्रोफैसर ललित मगोत्रा होरें डोगरा साहित्य गी लोकप्रिय बनाने लेई एहदे होरनी भाषाएं च अनुवाद करने पर जोर दिता। पदम श्री मोहन सिंह होर इस मौके अपने सम्बोधनै च आकखेया.

<><><><><><>

Weather

जम्मू खिते दे बक्ख-बक्ख इलाकें च कल रातीं थमां होआ रदी लगातार भारी बरखा कारण लोकें दी रोजमर्रा आली जिन्दगी पर माड़ा असर पेया ऐ त थाहरें -थाहरें पर सिड़के पर पानी किट्ठा होने करी लोकें गी औने-जाने च परेशानी दा सामना करना पवा रदा ऐ। तुंआई मौसम विभाग नै अज्जै आस्तै जम्मू-कश्मीर च भारी बरखें दी भविक्खवाणी कीती दी ऐ, जेहदे कन्नै संवेदनशील इलाकें च हाड़ औने, लास-पस्सियां पौने ते बददल फटट्ने दे बी आसार दस्से गे न। मैहकमे नै अज्जै लेई जम्मू डिविजन दे किश जिले च भारी बरखें दी चेतावनी जारी कीती दी ऐ। लोकें गी सलाह दिती जन्दी ऐ जे नदियें, नालें कंडे नैई जान ते कुसै बी आपदा आली स्थिति दौरान 112 नंबर उप्पर फोन करियै राबता करन।

तुंआई स्कूली शिक्षा मैहकमे नै अज्ज जम्मू-खिते दे सब्भनै सरकारी ते निजी स्कूलें गी बंद रक्खने दा हुकम जारी कीता ऐ।

<><><><><><>